



Arkivnr: 2018/16397-4

Saksbehandlar: Tor Ivar Sagen Sandvik, Nils Skavhellen

**Saksframlegg****Saksgang**

Utval	Saknr.	Møtedato
Yrkessopplæringsnemnda		07.05.2019
Utval for opplæring og helse		14.05.2019
Fylkesutvalet		29.05.2019

**Justering av tilbodsstruktur ved dei vidaregåande skulane, skuleåret 2019/20 - prognoseinntaket****Samandrag**

Framtidig tilbodsstruktur ved dei vidaregåande skulane er vedteke i skulebruksplanen. Den årlege vurderinga av tilbodsstrukturen skjer i «klassesaka» kvart år i desember. Det er i klassesaka ein må ta stilling til om det skal gjerast større endringar i tilbodsstrukturen lokalt og sentralt. I dette ligg mellom anna vurderingar av talet på elevplassar sett opp mot venta tilgang på læreplassar.

I 2019 er det totalt 17 105 søkjrarar med ungdomsrett til dei fylkeskommunale vidaregåande skulane i Hordaland. Talet på søkjrarar med formell rett til vidaregåande opplæring (ungdomsrett) har gått ned med 205 søkjrarar samanlikna med 2018. Talet på avgangselevar frå ungdomsskulen har gått ned med åtte elevar i høve til 2018.

I denne saka blir det gjort framlegg om å leggje ned utdanningsprogram/programområde som har svakt søkergrunnlag. Når det blir gjort framlegg om nedlegging tek ein utgangspunkt i kor mange elevar som har tilbodet som primærønske (førsteønskje), men det blir også gjort ein grundig analyse av kor mange elevar skulen kan rekne med å få på tilbodet totalt sett ved skulestart, med særleg vekt på dei som har tilbodet som ønskje 1-3.

Skular utanfor Bergensregionen har ofte eit svakare søkergrunnlag. Dette er naturleg, og fylkesrådmannen stiller difor litt lågare krav til m.a. primærønsketal ved distriktskulane enn i Bergensområdet. På den måten kan regionane oppretthalde eit rimeleg godt tilbod sjølv med litt lågare søkergrunnlag. Dette kan føre til at det i distrikta er høgare del klassar med mindre enn 85 % oppfylling enn i Bergensregionen.

Det er økonomisk krevjande å oppretthalde tilbod med lågt søkergrunnlag sjølv om skulane gjer sitt beste for å organisere undervisninga kostnadseffektivt, t.d. i halve klassar. Når søkergrantalet er lågt over fleire år må ein på eitt eller anna tidspunkt varsle om at dette ikkje kan halde fram over tid. På den andre sida må ein også sjå på tala på avgangselevar frå ungdomsskulane. Det kan vere ein kortvarig nedgang på eitt til to år før årgangstalet aukar att. Fylkesrådmannen kan i slike høve vere positiv til å oppretthalde tilbodet for ein kort periode sjølv med lågt elevtal.

Dei aller fleste av framlegga om nedlegging er i samsvar med skulane sine tilbakemeldingar etter søkergrantalet pr. 1. mars 2019. Dersom dei ikkje er det vil det vere opplyst under omtalen av den einskilde skule.

Fylkesrådmannen fekk i fylkesutvalssak 290/13 fullmakt til å justere klasse-/elevtal ved den einskilde skule på grunnlag av søkergranta etter prognoseinntaket dersom det ikkje fører til opprettning eller nedlegging av utdanningsprogram eller programområde. Dette har ikkje noko med tilbodsstrukturen ved skulane å gjere,

men er ei tilpassing av klassetalet i høve til søkerata til dei ulike utdanningsprogramma. Også desse justeringane vil bli gjort etter samråd med skulane og vil bli lagt fram som melding til politiske utval.

Fylkesrådmannen fekk i fylkesutvalssak 287/18 fullmakt til å opprette/leggje ned innføringsklassar for minoritetsspråklege elevar før/etter skulestart. Grunnen til dette er at det kan vere til dels store endringar i søkeratgrunnlaget til desse klassane fram mot skulestart av grunnar som ein ikkje kjenner til på førehand. Fylkesrådmannen tek likevel med i framlegget til vedtak nedanfor dei skulane som ein alt no ser ikkje har søkeratgrunnlag for tilbodet komande skuleår.

I denne saka er det tilrådd nedlegging av totalt 22 klassar frå vedteken tilbodsstruktur, jf. fylkesutvalssak PS 287/2018 «Justering av tilbodsstrukturen 2019/20 (klassesaka)». Det vil i tillegg vere grunnlag for å leggje ned og opprette klassar administrativt. Desse endringane blir informert om i eige notat.

Fylkesrådmannen gjer elles merksam på at det kan kome fleire justeringar etter prøveinntaket i månadsskiftet juni/juli.

Til denne saka er det også knytt eit kapittel om vaksenopplæringa som gjer greie for det vidaregåande opplæringstilbodet for målgruppa for skuleåret 2019/20.

**Økonomi:** I denne saka blir det gjort framlegg om å legge ned 22 klassar med utgangspunkt i vedtatt tilbodsstruktur hausten 2018. Det blei då lagt til grunn eit behov for å leggje ned mellom 18 og 23 klassar for skuleåret 2019/20. Totalt blir innsparing av desse nedleggingane estimert til om lag 28,2 millionar kroner. I 2019 vil innsparingane vere om lag 12,8 millionar kroner.

**Klima:** Ingen effekt.

**Folkehelse:** Ingen effekt.

**Regional planstrategi:** Ingen effekt. Det er i klassesaka i desember at tilbodsstrukturen blir vurdert. I denne saka blir strukturen tilpassa søkerata.

## Forslag til innstilling

Følgjande utdanningsprogram/programområde blir lagt ned frå skuleåret 2019/20

Skule	Utdanningsprogram/programområde
Askøy videregående skole	Vg2 Data og elektronikk
Austevoll videregående skule	Vg1 Studiespesialisering
Bømlo videregående skule	Vg2 Sal, service og tryggleik
Knarvik videregående skule	Innføringsklasse for minoritetsspråklege elevar
Kvam videregående skule	Innføringsklasse for minoritetsspråklege elevar
Kvinnherad videregående skule	Vg1 Service og samferdsel
Kvinnherad videregående skule	Vg2 Industrieknologi
Laksevåg videregående skole	Vg2 Industrieknologi
Laksevåg videregående skole	Vg3 Elektrofag m/ studiekompetanse
Odda videregående skule	Vg2 Kjøretøy
Slåtthaug videregående skole	Vg2 Automatisering
Sotra videregående skule	Innføringsklasse for minoritetsspråklege elevar
Sotra videregående skule	Vg1 Design og handverk
Stord videregående skule	Vg1 Elektrofag m/studiekompetanse
Stord videregående skule	Innføringsklasse for minoritetsspråklege elevar

Voss gymnas	Innføringsklasse for minoritetsspråklege elevar
Voss gymnas	Innføringsklasse for minoritetsspråklege elevar
Voss gymnas	Vg2 Blomsterdekoratør
Voss gymnas	Vg2 Frisørfag
Årstad videregående skole	Vg2 Laboratoriefag
Åsane videregående skole	Vg2 Industrieknologi
Åsane videregående skole	Innføringsklasse for minoritetsspråklege elevar

Ingrid Kristine Holm Svendsen  
kst. fylkesrådmann

Bjørn Lyngedal  
fylkessjef opplæring

*Saksframlegget er godkjent elektronisk og har derfor ingen underskrift.*

## Fylkesrådmannen, 23.04.2019

Framtidig tilbodsstruktur ved dei vidaregåande skulane er vedteke i skulebruksplanen. Den årlege vurderinga av tilbodsstrukturen skjer i «klassesaka» kvart år i desember. Det er i klassesaka ein må ta stilling til om det skal gjerast større endringar i tilbodsstrukturen lokalt og sentralt. I dette ligg mellom anna vurderingar av talet på elevplassar sett opp mot venta tilgang på læreplassar.

I denne saka blir det gjort framlegg om å leggje ned utdanningsprogram/programområde som har svakt søkergrunnlag. Når det blir gjort framlegg om nedlegging, tek ein utgangspunkt i kor mange som har tilbodet som primærønske (førsteønske), men det blir også gjort ein grundig analyse av kor mange elevar skulen kan rekne med å få på tilbodet totalt sett ved skulestart, med særleg vekt på dei som har tilbodet som ønskje 1-3.

### Utvikling i søkerantal

Tal søker	2018	2019	Endring
Ungdomsrett	17 310	17 105	- 205
Tal elevar på 10. trinn (tal frå GSI*)	6147	6139	- 8

Tabell 1: Utvikling i søkerantal 2018 til 2019

\* Grunnskolens informasjonssystem

Totalt er det 17 105 søkerar med formell rett til vidaregående opplæring (ungdomsrett) til skuleåret 2019/20.

Nedgangen i talet for søkerar med ungdomsrett er reelt sett litt høgare enn det talet ovanfor viser. Årsaka er at søkerar til Danielsen videregående skole frå 2019 registrerer søknaden sin i Vigo-systemet. Sidan mange av søkerane til Danielsen vgs. også søker våre skular i 2018 og tidlegare, er det vanskeleg å estimere nøyaktig nedgang i talet på søkerar samanlikna med 2018-tala. Truleg ligg den reelle nedgangen mellom 300 og 400 elevar.

I 2018 blei ungdomsretten for mange søkerar utvida med tilbakeverkande kraft, og aldersgrensa for ungdomsrett blei auka frå 24 til 25 år. Mange litt eldre søkerar nytta høvet til å søkje ordinær vidaregående opplæring, både til Vg1 og til å gjøre seg ferdig med utdanning som ikkje var fullført. Dette er nok hovudårsaka til at søkeralet med ungdomsrett går ned i år sjølv om árgangskullet frå 10. klasse er om lag det same.

### Søkerantal til Vg1

Tabellen under viser søkerantal i 2018 og 2019, i tillegg til endring i tal og prosentdel. Søkerantala til dei ulike utdanningsprogramma på Vg1 viser relativt små endringar samanlikna med 2018, sjølv om endringane kan gi høvesvise store prosentvise utslag. Berre søkerar med ungdomsrett er tatt med i tabellen.

Utdanningsprogram	2018	2019	Endring	Endring %
Bygg og anleggsteknikk (BA)	514	432	-82	-16,0 %
Design og handverksfag (DH)	153	139	-14	-9,2 %
Elektrofag (EL)	611	515	-96	-15,7 %
Helse og oppvekstfag (HO)	1107	1017	-90	-8,1 %
Naturbruk (NA)	326	317	-9	-2,8 %
Restaurant og matfag (RM)	136	149	13	9,6 %
Service og samferdsel (SS)	294	266	-28	-9,5 %

Teknikk og industriell produksjon (TP)	658	821	163	24,8 %
Idrettsfag (ID)	359	339	-20	-5,6 %
Kunst, design og arkitektur (KDA)	116	104	-12	-10,3 %
Musikk, dans og drama (MD)	224	208	-16	-7,1 %
Media og kommunikasjon (ME)	182	185	3	1,6 %
Studiespesialiserande (ST)	2554	2628	74	2,9 %
Innføringskurs minoritetsspråklege	166	88	-78	-47,0 %

Tabell 2: Søkjartal Vg1 2018 og 2019

Av tala over er dei største endringane knytt til dei tradisjonelle utdanningane Bygg- og anleggsteknikk, Elektrofag og TIP. I tillegg er det ein høvesvis stor nedgang på Helse- og oppvekstfag. Det er også verdt å merke seg at det er eit monaleg fall i søkerar til innføringskurs for minoritetsspråklege. Her var det ein venta nedgang, men likevel overraskande at endringa blei så stor. Dette skuldast at det er langt færre flyktringar/asylsøkerar som kjem til Noreg no enn for nokre få år sidan. I Hordaland vil det i skuleåret 2019/20 truleg berre vere innføringsklassar ved Bergen katedralskole og Årstad vgs.

Elektrofag ser ein nedgang i søkeratal også i år, ei utvikling som har vore ønska, då det har vore for mange elevar i høve til tal tilgjengelege læreplassar. Det er likevel viktig å verke merksam på utviklinga framover slik at HFK ikkje bygger ned kapasitet i høve til framtidig behov i arbeids- og næringslivet.

BA, EL og TIP konkurrerer stort sett om dei same elevane. I 2019 ser ein m.a. at nedgangen i søkeratalet til Vg1 Elektrofag og Vg1 Bygg og anleggsteknikk i stor grad kan skuldast ein auke i søkeratal til Vg1 Teknikk og industriell produksjon. Søkjartalet til desse tre utdanningsprogramma er samla sett svært jamt fra år til år.

TIP er det utdanningsprogrammet som har størst auke i søkeratalet samanlikna med 2018. Det er likevel verdt å merke seg at mange skular framleis har eit «skeivt» søkeratal i høve til kva programområde elevane i Vg1 søker seg til, samanlikna med tilgang på læreplassar. Til dømes hadde det vore ønskeleg at fleire sökte seg mot Vg2 Industrieknologi framfor Vg2 Kjøretøy.

Søkjartalet til Bygg- og anleggsteknikk er det lågaste på mange år. Nedgangen er likevel ujamnt fordelt på skulane/regionane. Nokre skular har fleire søkerar enn i fjar, medan andre mister ein del søkerar. Sjølv om det er låge søkeratal samanlikna med 2018 er det grunn til å tru at det ikkje blir lagt ned særleg mange klassar. Det blir ikkje gjort framlegg i denne saka om å leggje ned tilbod (utdanningsprogram eller programområde) innanfor BA.

Etter fleire år med til dels sterk auke i søkeratalet til Helse- og oppvekstfag, stoppa auken ein del opp i 2018. I 2019 er det ein nedgang på 90 søkerar, om lag 8 %, til Vg1. Auken i søkeratalet til Vg2 held fram på grunn av det høge elevtalet i Vg1, skuleåret 2018/19. Det kan sjå ut som om søkeratalet ved mange skular til Vg2 Barne- og ungdomsarbeidarfaget har tatt seg noko opp att samanlikna med dei siste to siste åra. Dette er positivt i høve til at det var for stor overvekt av søkerar til Vg2 Helsearbeidarfaget i 2018.

## Tilbodsstruktur og oppfyllingsgrad

Med bakgrunn i klasesaka i desember 2018, utgjorde vedtatt tilbodsstruktur 804 klassar for 2019/20. Når det no blir gjort framlegg om nedlegging av 22 klassar, utgjer dette om lag 2,7 % av vedtatt tilbodsstruktur. Dette er naturlege endringar gitt den breie tilbodsstrukturen Hordaland fylkeskommune har.

Fylkesrådmannen er opptatt av at skulane utanfor Bergensområdet også skal ha eit breitt og fagleg godt utdanningstilbod. Det er likevel ei utfordring i områda som har eit relativt lågt elevgrunnlag frå

ungdomsskulen å kunne oppretthalde alle utdanningstilbod ein ønskjer. I t.d. Kvam/Odda og Kvinnherad er det berre lokale søkerar til skulane sine utdanningstilbod, og når årskulla frå 10. klasse går ned, blir det også vanskelegare å oppretthalde vedtekne tilbod. Fylkesrådmannen har vore særleg merksam på desse utfordringane ved utarbeiding av denne saka. Dersom distriktskulane skal kunne oppretthalde eit godt utdanningstilbod må ein akseptere at kostnadene blir noko høgare i distrikta enn t.d. i Bergen der dei aller fleste tilboda er fylt opp sjølv om ein merkar konkurransen frå dei private skulane.

Denne saka tek utgangspunkt i primærsøkjartalet (førsteønskjet) til søkerane. Samtidig har det vore viktig å gjere ein analyse av dei som har tilbod som eit lågare prioritert ønskje, særleg ønskje nr. 2 og 3. Det er fleire døme på at eit lågt primærsøkjartal ikkje betyr det same som at det ikkje er elevgrunnlag for det aktuelle tilboden.

## **Grunngjeving for framlegg til endring ved den enkelte skule, skuleåret 2019/20**

### **Askøy vidaregåande skule**

Nedlegging: Vg2 Data og elektronikk

Tilboden har fått fem primærsøkjrar med ungdomsrett til 14 plassar. Dette tilboden blei også lagt ned i 2017 og 2018, men blei likevel oppretta att i klassesaka i desember 2018. Det bør difor vere klårt at dette tilboden ikkje lenger er interessant for søkerane. Skulen har ikkje gitt tilbakemelding på kommentarane for prognoseinntaket 2019.

### **Austevoll vidaregåande skule**

Nedlegging: Vg1 Studiespesialisering

Tilboden har fått 13 primærsøkjrar med ungdomsrett til 27 plassar. Tilboden blei også lagt ned i 2018, då det var ti primærsøkjrar. I 2017 var det ni primærsøkjrar, og tilboden blei oppretthalde for å sjå om søkerjartalet var høgare i 2018, noko som ikkje var tilfelle. Historisk sett har søkerjartalet til dette tilboden alltid vore under grensa for 85 % oppfylling.

Tal frå GSI viser at det i Austevoll kommune er 72 elevar som går ut av 10. trinn våren 2019, ein auke frå 55 elevar i 2018. Denne auken utgjorde kjernen i fylkesrådmannen si tilråding i klassesaka i haust om oppretting av Vg1 ST. Det viser seg at auken i elevar frå ungdomsskulen ikkje har hatt ein effekt på søknadsmassen til Studiespesialisering ved skulen.

Elevtalet vil auke til 78 neste år før talet fell ned til 55 om to år. Dei neste par åra etter det vil avgangskullet i 10. klasse frå Austevoll kommune ligge på 63-64 elevar. Med dette som bakgrunn er det ikkje grunn til å tru at søkera til eit tilbod på Studiespesialisering vil auke dei nærmaste åra.

Argumentasjon frå skulen for å opprette tilboden er knytt til at ungdomane er for unge til å flytte på hybel rett etter ungdomsskulen, og at det er stort overvekt av gutter i skolemiljøet. Eit tilbod innan ST kunne jamna dette noko ut. I tillegg er det knytt argumentasjon til lærarkrefter som kan ha undervisning på både yrkesfag og studiespesialiserande. Skulen peiker på at det kan vere ei utfordring at dei ikkje kan gi heile undervisningsstillingar.

### **Bømlo vidaregåande skule**

Nedlegging: Vg2 Sal, service og tryggleik

Tilboden har to primærsøkjrar med ungdomsrett til 15 plassar. Skulen støttar framlegget om nedlegging. Dei to primærsøkjrarane med ungdomsrett vil, etter avtale med inntakskontoret i Rogaland, få høve til å

registrere søknad om plass ved dette programområdet ved Haugaland vgs i Haugesund sjølv om søknadsfristen er ute.

### **Knarvik vidaregåande skule**

Nedlegging: Innføringsklasse for minoritetsspråklege elevar

Det er berre to primærsøkjarar med ungdomsrett til 15 plassar. Skulen tek informasjon om dette til orientering.

### **Kvam vidaregåande skule**

Nedlegging: Innføringsklasse for minoritetsspråklege elevar

Tilbodet har fått seks primærsøkjarar med ungdomsrett til 15 plassar. Søkjartalet er for lågt til at tilbodet kan oppretthaldast. Dette gjeld for alle skulane i Hordaland, med unntak av to skular i Bergen.

Skulen har ikkje kommentert forslaget om å leggje ned innføringsklassen.

### **Kvinnherad vidaregåande skule**

Forslag til nedlegging: Vg1 Service og samferdsel  
Vg2 Industriteknologi

Vg1 Service og samferdsel har ni primærsøkjarar med ungdomsrett til 15 elevplassar. Dette utdanningsprogrammet har over fleire år hatt låge søkerantal, og stort sett har det vore slik at skulen har tilbydd Vg1 og Vg2 annakvart år. Dei fleste av primærsøkjarane er søkerar frå Kvinnherad som i stor grad har søkt alternative utdanningsprogram ved Kvinnherad vgs.

Vg2 Industriteknologi har fått fire primærsøkjarar med ungdomsrett, og ein søker utan opplæringsrett. Det er ikkje sekundærsøkjarar til tilbodet. Det er i utgangspunktet for lite til at tilbodet kan oppretthaldast. Etter initiativ frå Kvinnherad kommune og Hydro Husnes blei det i haust oppretta eit tilbod på Vg2 Kjemiprosess. Ved å ikkje starte Vg2 Industriteknologi skuleåret 2019/20 kan det også kome nokre fleire elevar til Kjemiprosess.

Hydro Husnes viser til auka behov for nye tilsette i tillegg til behov for å erstatte naturleg avgang. Hydro viser vidare til at lærlingar innan kjemiprosessfaget er den viktigaste rekrutteringskjelda for framtidige tilsettingar.

### **Laksevåg videregående skole**

Nedlegging: Vg2 Industriteknologi  
Vg3 Elektrofag m/studiekompetanse

Vg2 Industriteknologi har fått åtte søkerar med ungdomsrett til 15 elevplassar. Tilbodet blei også lagt ned til førre skuleår, men oppretta på nytt i klassesaka i haust. Det er god dekning ved andre skular på dette tilbodet.

Skulen er einig i vurderinga om at tilbodet blir lagt ned.

Det er ikkje søkeratala i seg sjølv som gjer at Vg3 Elektrofag m/ studiekompetanse blir lagt ned, men ei praktisk organisering av undervisninga for elevane. Tilbodet i seg sjølv oppretthaldast, og elevane blir overført til Vg3 Påbygging til generell studiekompetanse.

## **Odda vidaregåande skule**

Nedlegging: Vg2 Kjøretøy

Tilbodet har berre fått to primærsøkjarar til ein halv klasse. Skulen har ikkje kommentarar til dette. Ved nedlegging av dette tilbodet vil det bli tilnærma full klasse på Vg2 Industriteknologi.

## **Slåtthaug videregående skole**

Nedlegging: Vg2 Automatisering

Det er berre fire primærsøkjarar med ungdomsrett til 14 elevplassar på Vg2 Automatisering. Bakgrunnstala, dvs. tal søkjarar som har tilbodet som lågare prioritert ønskje, viser at det ikkje er søkjargrunnlag til dette tilbodet.

Heile programrområdet Automatisering opplever ein nedgang frå tidlegare år, og det vil vere naudsynt å gjere administrative justeringar også ved andre skular.

## **Sotra vidaregåande skule**

Nedlegging: Vg1 Design og handverk

Innføringsklasse for minoritetsspråklege elevar

Vg1 Design og handverk har berre fått fem primærsøkjarar med ungdomsrett til 15 plassar. Skulen ser at det ikkje er grunnlag for å oppretthalde tilbodet med så lågt elevtal.

Innføringsklassen for minoritetsspråklege elevar har berre fått to primærsøkjarar med ungdomsrett til 15 elevplassar og må leggjast ned. I Hordaland vil det i skuleåret 2019/20 truleg berre vere innføringsklassar ved Bergen katedralskole og Årstad vgs.

## **Stord vidaregåande skule**

Nedlegging: Vg1 Elektrofag m/studiekompetanse

Innføringsklasse for minoritetsspråklege elevar

Vg1 Elektrofag m/studiekompetanse har fått tre primærsøkjarar med ungdomsrett til 15 plassar. Det er andre året dette tilbodet blir forsøkt sett i gang utan hell, og fylkesrådmannen vurderer det slik at det ikkje er grunnlag for tilbodet framover. Skulen har ikkje merknader til at tilbodet blir lagt ned.

Innføringsklassen for minoritetsspråklege elevar har fem primærsøkjarar med ungdomsrett til 15 plassar, og blir lagt ned.

## **Voss gymnas**

Nedlegging: To innføringsklassar for minoritetsspråklege elevar

Vg2 Blomsterdekoratør

Vg2 Frisørfag

Til innføringsklassane er det berre tre primærsøkjarar til 24 elevplassar. Skulen opplyser at det låge søkjartalet var overraskande i høve til det gode frammøte på informasjonsmøtemøtet for målgruppa i desember i fjor. Det er eit klart inntrykk at dei minoritetsspråklege elevane ikkje ønskjer å gå i innførings-

klasse, men heller ønskjer inntak direkte i ordinært Vg1-tilbod. Dette kan gi utfordringar i form av ein vanskelegare veg til fullført og bestått opplæring.

Vg2 Blomsterdekoratør har fått tre primærskjarar med ungdomsrett til 15 plassar. Dette programområdet blei også lagt ned i 2018. Det bør vurderast i klassesaka hausten 2019 om tilboden skal flyttast til ein skule i Bergensområdet.

Vg2 Frisørfag har fått fire primærskjarar med ungdomsrett til 15 plassar. Dette er berre halvparten av søkjartalet frå i fjar då tilboden til slutt blei oppretthalde. Fylkesrådmannen tilråd at tilboden blir nedlagt.

Det er generelt sett synd at desse to Vg2-tilboda ikkje har fleire skjarar, ikkje minst pga. lokala som er bygd for å ivareta dette opplæringstilboden, noko som også er tilbakemeldingane frå skulen.

## Årstad videregående skole

Nedlegging: Vg2 Laboratoriefag

Vg2 Laboratoriefag har fått tre primærskjarar med ungdomsrett til 12 plassar (ein klasse). I tillegg er det tre primærskjarar utan noko form for opplæringsrett. I 2018 var det seks primærskjarar med ungdomsrett, i tillegg til ein skjar utan rett. Tilboden blei då tilrådd lagt ned av fylkesrådmannen, men oppretthalde av fylkesutvalet. Sidan søkjartalet med ungdomsrett i år er 50 % lågare enn i fjar, blir tilboden på nytt tilrådd lagt ned.

Skulen argumenterer mellom anna for å oppretthalde tilboden ved at dei ser samla søkjartal frå alle skjar-grupper under eitt. Skulen viser vidare til eit høgare tal skjarar som har dette tilboden som sekundær-ønskje. Vidare blir det vist til at fagtilboden ved skulen blir mindre, noko som er riktig. Programområdet blir heller ikkje gitt ved andre skular i Hordaland.

Utgangspunktet fylkesrådmannen nyttar for å vurdere nedlegging er søkjartal med ungdomsrett. Tal sekundærskjarar blir berre unntaksvis vurdert i samband med om eit tilbod vurderast nedlagt eller ikkje. Fylkesrådmannen har ikkje vektlagt argument om fagtilbod ved Årstad vgs, gitt skulen sin størrelse.

Ny yrkesfagstruktur blir gjeldande frå 2020. Laboratoriefag blir då slått saman med kjemiprosess til eit nytt programområde på Vg2 (Vg2 Kjemiprosess- og laboratoriefag). Delprosjekt 1.5 for Vestland fylkeskommune arbeider med lokalisering og dimensjonering av nye tilbod på yrkesfag, og vil inngå som grunnlag for klassesaka hausten 2019.

## Åsane videregående skole

Nedlegging: Vg2 Industrieknologi  
Innføringsklassen for minoritetsspråklege elevar

Vg2 Industrieknologi har også berre fått to primærskjarar med ungdomsrett til 15 elevplassar. Tilboden blir tilrådd lagt ned. Skulen tek tilråding om nedlegging til orientering.

Innføringsklassen for minoritetsspråklege elevar har berre fått to primærskjarar med ungdomsrett til 15 elevplassar. Skulen tek tilråding om nedlegging til orientering.

## Vidaregåande opplæring for vaksne 2019/20

### Hovudtrekk i organisering av vidaregåande opplæring for vaksne

Vaksne har rett til vidaregåande opplæring dersom dei ikkje har fullført denne opplæringa tidlegare, eller har vidaregåande utdanning frå utlandet som ikkje blir godkjent som studie- eller yrkeskompetanse i Noreg, jf. opplæringslova § 4A-3. Yngre vaksne med ungdomsrett kan søke om å få gjennomført opplæringa som vaksenopplæring, jf. opplæringslova § 3-1. Fylkeskommunen skal også ha eit vidaregåande tilbod til vaksne utan rett, jf. opplæringslova § 13-3

### Senterstruktur i Hordaland

Vaksenopplæringa i Hordaland fylkeskommune er tufta på fem regionale vaksenopplæringssenter, organisert som avdelingar ved respektive vidaregåande skular, jf. fylkestingssak 45/2015.

Vaksenopplæringssenter	Region
Vo-senter ved Åsane videregående skole	Nordhordland, Bergen, Midtjylland
Vo-senter ved Bergen Katedralskole	Nordhordland, Bergen, Midtjylland
Vo-senter ved Sotra videregående skole	Vest
Vo-senter ved Voss gymnas	Voss og Hardanger
Vo-senter ved Stord vidaregåande skule	Sunnhordland

### Tett samarbeid med verksemder i privat og offentleg sektor

Vaksenopplæringa i Hordaland fylkeskommune har lagt vekt på å etablere eit nært samarbeid med verksemder i privat og offentleg sektor. Vaksenopplæringssentra har gjennom ulike prosjekt samarbeidd tett med kommunane i opplæring av ufaglærte tilsette innanfor helse- og oppvekstfaga. Til dømes vil Hordaland fylkeskommune i haust vere første fylkeskommunen i landet som har gjennomført **Fagbrev på jobb** for to grupper i helsearbeidarlaget og ei mindre gruppe i barne- og ungdomsarbeidarlaget. Gruppene er då klare for oppmelding til fagprøva. Det årelange samarbeidet mellom vaksenopplæringssenter ved Åsane videregående skole og Bergen kommune i forsøksprosjektet VOPA / fagbrev på jobb gjorde tidleg start av ordninga mogleg. Lova blei verket 01.08.18.

Fleire fag har vanskar med å rekruttere faglært arbeidskraft og legg til rette for at eigne tilsette skal få opplæring fram mot fagbrev. Opplæringsavdelinga har såleis valt å vidareføre opplæringstilboden til praksiskandidatar som ein del av tilboden til vaksne, dels som ei tilpassing til den faktiske etterspurnaden, og dels fordi ordninga er den fremste kanalen for å få yrkesaktive ufaglærte vaksne inn i vidaregåande opplæring. For fylkeskommunen er tilboden elles ei kosteffektiv opplæringsløysing samanlikna med eit skulebasert yrkesfagleg opplæringstilbod for vaksne.

### Eitt hovudinntak og eitt supplerande inntak

Vaksne skal kunne søke opplæring uavhengig av fristane som gjeld for ungdom. Fylkeskommunen skal gi tilbod innan rimeleg tid. Ein har ikkje høve til operere med ventelister, jf. forskrift § 6-47, UDIR 2-2008. I praksis har fylkeskommunen løyst dette ved å ha eit hovudinntak på hausten og eit supplerande inntak i januar. Fylkeskommunane har over tid dimensjonert inntaket som eitt stort haustinntak, både fordi vaksne følgjer denne «skulertymen» i sin etterspurnad, og elles for å oppnå ei rasjonell drift av opplæringa. Ein har såleis kunne trappe ned det supplerande inntaket i januar. Hordaland fylkeskommune nyttar elles «administrative søknadsfristar» til kvart inntak for å få til ei forsvarleg sakhandsaming av søkerne.

Opplæringstilboda i det supplerande inntaket, januar 2019

Vaksenopplæringssenter/ utførande skule	Utdannings-program	Fag og klassar / grupper	Trinn	Gruppe*	Deltakarar
Bergen katedralskole	ST	Fag for studiekompetanse 1-årig	VG1-VG3	Skule	42
Bergen katedralskole	ST	Fag for studiekompetanse 2-årig	VG1-VG3	Skule	42
Sotra vgs.	BA	Reinholdsoperatørfaget	Vg3	PK	29
Stord vgs/Bømlo vgs.	SS	Salsfaget / kontor og admfaget	VG3	PK	25
Voss gymnas	HO	Helsearbeidarfaget	Vg2	Skule	20

Dei vidaregåande opplæringstilboda haust 2019 fordelt på dei fem regionale vaksenopplæringssentra

Vaksenopplæringssenter/ utførande skule	Utdannings-program	Fag og klassar / grupper	Trinn	Gruppe*
Bergen katedralskole	ST	Fag for studiekompetanse 1-årig	VG1-VG3	Skule
Bergen katedralskole	ST	Fag for studiekompetanse 2-årig	VG1-VG3	Skule
Bergen katedralskole	ST	Fag for studiekompetanse 2-årig	VG1-VG3	Skule

Vaksenopplæringssenter/ utførande skule	Utdannings-program	Fag og klassar / grupper	Trinn	Gruppe*
Stord vgs.	ST/PBYPB4	Fag for studiekompetanse over 2 år	VG3	Skule
Stord vgs.	HO	Helsearbeidarfag 2019-21 over 2 år	VG1/VG2	Skule/PK
Stord vgs.	FF	Fellesfag yrkesfag 5 fag 2019-21 over 2 år	VG1/VG2	Skule
Stord vgs.	FF	Forsterka norsk for minoritetsspråklege	Vg1	Skule
Stord vgs.	BA	Tømrarfaget	VG3	PK
Stord vgs.	TIP	Sveisefaget	VG3	PK
Stord vgs./Fitjar vgs	RM	Kokk og institusjonskokkfaga	VG3	PK
Stord vgs.	BA	Renholdsoperatørfag	VG3	PK
Stord vgs.	NA	Akvakultur	VG3	PK
Stord vgs./Fitjar vgs	HO	Barne- og ungdomsarbeidarfag Forts fra haust 2018, aug - des 2019	VG1/VG2	Skule/PK
Stord vgs.	HO	Helsearbeidarfag	Vg3	FPJ

Voksenopplæringssenter/ utførende skule	Utdannings- program	Fag og klassar / grupper	Trinn	Gruppe*
Sotra vgs.	RM	Sjømatproduksjon	Vg3	PK
Sotra vgs.	ST	Studiekompetansefag Norsk og matematikk	Vg3	Skule
Sotra vgs.	HO	Helse og oppvekstfag / helsearbeidarfag, minoritetsspråklige	Vg1	Skule
Sotra vgs.	HO	Helsearbeidarfag	Vg2	Skule
Sotra vgs.	FF	Fellesfag helsearbeidarfag	Vg1 og Vg2	Skule
Sotra vgs.	BA	Byggteknikk / Tømrerfag, minoritetsspråklige	Vg2	Skule
Sotra vgs.	BA	Fellesfag tømrarfag, minoritetsspråklege	Vg2	Skule
Sotra vgs.	SS	Logistikkfag/transportfag	Vg3	PK
Sotra vgs.	HO	Barne- og ungdomsarbeidarfag	Vg3	PK
Sotra vgs.	HO	Helse og oppvekstfag / Barne- og ungdomsarbeidarfag, minoritetsspråklige	Vg1	Skule
Sotra vgs.	HO	Fellesfag, barne og ungdomsarbeidarfaget, minoritetsspråklege	Vg1	Skule
Sotra vgs.	NA	Målarfaget	Vg3	PK

Voksenopplæringssenter/ utførende skule	Utdannings- program	Fag og klassar / grupper	Trinn	Gruppe*
Voss gymnas	HO	Helse og oppvekst / helsearbeidarfag	Vg1	Skule
Voss gymnas	HO	Helsearbeidarfag	Vg2	Skule
Voss gymnas	FF	Fellesfag helsearbeidarfag	Vg1 og Vg2	Skule
Voss gymnas	ST	Studiekompetansefag Norsk, Matematikk + NOR minoritet over 2 år	Vg3	Skule
Voss gymnas	RM	Kokk og institusjonskokkfag	Vg3	PK
Voss gymnas /Voss vgs	NA	Landbruk og gartnarnærings	Vg2	Skule
Voss gymnas /Voss vgs.	NA	Gartnarnærings	Vg3	Skule
Voss gymnas /Odda vgs	HO	Helsefagarbeidar	Vg2	Skule
Voss gymnas /Odda vgs	HO	Fellesfag helse og oppvekst	Vg2	Skule
Voss gymnas /Kvam vgs	HO	Helse og oppvekst	Vg1	Skule
Voss gymnas /Kvam vgs	HO	Fellesfag helse og oppvekst	Vg1	Skule

Vaksenopplæringssenter/ utførande skule	Utdannings- program	Fag og klassar / grupper	Trinn	Gruppe*
Åsane vgs	BA	Bygg - og anleggsteknikk	Vg1	Skole
Åsane vgs	BA	Byggeteknikk	Vg2	Skole
Åsane vgs	BA	Fellesfag bygg og anleggstenikk	Vg1 og Vg2	Skole
Åsane vgs	BA	Tømrer	Vg3	PK
Åsane vgs	HO	Helse -og oppvekstfag	Vg1	Skole
Åsane vgs	HO	Helsearbeiderfag	Vg2	Skole
Åsane vgs	HO	Fellesfag helse og oppvekstfag / helsearbeidarfaget	Vg1 og Vg2	Skole
Åsane vgs	HO	Barne/ungdomsarbeiderfag	Vg2	Skole
Åsane vgs	HO	Helseservicefag	Vg2	Skole
Åsane vgs	HO	Helsearbeiderfag	Vg2/Vg3	FPJ
Åsane vgs	HO	Barne/ungdomsarbeiderfag	Vg2/Vg3	FPJ
Åsane vgs	HO	Barne/ungdomsarbeiderfag	Vg3	PK
Åsane vgs	HO	Helsearbeiderfag	Vg3	PK
Åsane vgs	HO	Helsesekretær	Vg3	Skole
Åsane vgs	HO	Tannhelsesekretær	Vg3	Skole
Åsane vgs	SS	Kontor-salg-sikkerhetsfag	Vg3	PK
Åsane vgs	BA	Renhold	Vg3	PK
Åsane vgs /Stend vgs	RM	Kokk/institusjonskokkfag	Vg1	Skole
Åsane vgs /Stend vgs	RM	Kokk/institusjonskokkfag	Vg2	Skole
Åsane vgs	RM	Fellesfag restaurant og matfag / kokk- og institusjonskokkfag	Vg1 og Vg2	Skole
Åsane vgs /Årstad vgs	SS	Logistikkfag	Vg3	PK
Åsane vgs	HO	Helsearbeisarfag, alternativ opplæring i skule	Vg3	Skole
Åsane vgs		Barne og ungdomsarbeidarfag, alternativ opplæring i skule	VG3	Skole
Åsane vgs Knarvik vgs	HO	Helse-og oppvekstfag	Vg1	Skole
Åsane vgs /Knarvik vgs	FF	Fellesfag Vg1	Vg1	Skole
Åsane vgs/Stend	NA	Landbruk/Agronom	Vg2	Skule
Åsane vgs/Stend	NA	Landbruk/Agronom	Vg3	Skule

Note alle tabellane \*: Nemninga «Skule» viser til opplæringstilbod som følger evalueringssordninga for elevar/deltakarar i vidaregåande opplæring. Nemninga «PK» viser til opplæringstilbod som blir evaluert ved eksamensordninga for praksiskandidatar og lærlingar med full opplæring i bedrift.

#### Administrativ justering:

Det aktuelle tilbodet må så langt praktisk råd er tilpassast søknadane frå vaksne og dermed den faktiske etterspurnaden etter opplæring slik denne vil framkoma i løpet av våren. Ein må såleis ta høgde for ei administrativ justering av det faktiske opplæringstilbodet haust 2019 i tråd med den samla etterspurnaden.

## Økonomi

Det vidaregåande opplæringstilbodet for vaksne 2019 har eit samla netto driftsbudsjett på kr. 64.514.000 og vidarefører kostnadsnivået for 2018, jf. budsjett 2019 Hordaland fylkeskommune. Dei nemnde opplæringstilboda for 2019 er budsjettert i høve til denne ramma.